

କେନ୍ଦ୍ରୀୟାବଳୀ



ଘଣ୍ଟାଘର

තෙලකවාහගාථා

නමො තස්ස භගවතො අරහතො සම්මාසම්බුද්ධස්ස

1.

ලංකිස්සරො ජයතු වාරණුරාජගාමී
භොගින්දභොග රුවිරායන පිණු බාහු,
සාධුපවාරනිරතො ගුණසන්නිවාසො
ධම්මෙ යීතො වීගතකොධමදාවලෙපො;

2.

යො සබ්බලොකමහීතො කරුණාධිවාසො
මොක්ඛාකරො රවිකුලමීර පුණ්ණ චන්දො,
ඤ්ඤොයාදධිං සුචිපුලං සකලං විබුද්ධො
ලොකුත්තමං නමථ තං සිරසා මුනින්දං;

3.

සොපානමාලමමලං තිදසාලයස්ස
සංසාර සාගරසමුත්තරණාය සෙතං,
සබ්බාගතීභය විචජ්ජිත ඛෙම මග්ගං
ධම්මං නමස්සථ සදා මුනිනා පණිතං;

4.

දෙය්‍යං තදප්පමපි යත්ථ පසන්න චිත්තා
දත්වා නරා ඵලමුළාරතරං ලභන්තෙ,
තං සබ්බදා දසබ්බලෙනපි සුප්පසත්ථං
සඬ්ඝං නමස්සථ සදාමිතපුඤ්ඤබෙත්තං;

5.

තෙජො බලෙන මහතා රතනත්තයස්ස
ලොකත්තයං සමධිගච්ඡති යෙන මොක්ඛං,
රක්ඛා න චත්ථී ච සමා රතනත්තයස්ස
තස්මා සදා භජථ තං රතනත්තයං භො;

6.

ලංකිස්සරො පරහිතෙකරතො නිරාසො
රත්තිමිපි ජාගරරතො කරුණාධිවාසො,
ලොකං විබොධයති ලොකහිතාය කාමං
ධම්මං සමාවරථ ජාගරියානුයුත්තා;

7.

සත්තොපකාර නිරතා කුසලෙ සභායා
භො දුල්ලභා භූවි නරා විහතජ්ජමාදා,
ලංකාධිපං ගුණධනං කුසලෙ සභායං
ආගම්ම සංචරට්ඨමම්මලං පමාදං;

8.

ධම්මො තිලොක සරණො පරමො රසානං
ධම්මො මහග්ගසරතනො රතනෙසු ලොකෙ,
ධම්මො හවෙ තිභවදුක්ඛ විනාසහෙතු
ධම්මං සමාචරට්ඨ ජාගරියානුයුත්තා;

9.

නිද්දං විනොදයට්ඨ භාවයට්ඨජ්ජමෙයාං
දුක්ඛං අනිච්චම්පි වෙහ අනත්තකඤ්ච,
දෙහෙ රතීං ජහට්ඨ ජ ජජ්ජරභාජනාභො
ධම්මං සමාචරට්ඨ ජාගරියානුයුත්තා;

10.

ඕකාස මජ්ජ මම නත්ථි සුචෙ කර්ස්සං
ධම්මං ඉතීහලසතා කුසලජ්ජයොගෙ,
නා'ලං තියද්ධසු තථා භුවනත්තයෙ ච
කාමං න චත්ථි මනුජො මරණා පමුත්තො;

11.

බිත්තො යථා නහසි කෙනවිදෙව ලෙඩ්ඬු
භූමිං සමාපත්ති භාරතයා ඛණෙන,
ජාතත්තමෙව ඛලු කාරණමෙකමත්‍ර
ලොකං සදා නත්‍ර ධුවං මරණාය ගන්තුං;

12.

කාමං නරස්ස පතතො ගිරිමුද්ධනාතො
මජ්ඣෙ න කිඤ්චි භයනිස්සරණාය හෙතු,
කාමං චජන්ති මරණං තිභවෙසු සත්තා
භොගෙ රතීං පජහථාපි ච ජීවිතෙ ච;

13.

කාමං පතන්ති මහියා ඛලු වස්සධාරා
විජ්ජුල්ලතා විතතමෙස මුඛා පමුත්තා,

එවං නරා මරණභීම පපාතමජ්ඣෙ
කාමං පතන්ති නභි කොචි භවෙසු නිච්චො;

14.

වෙලාතටෙ පටුතරොරු තරංගමාලා
නාසං චජන්ති සතතං සලිලාලයස්ස,
නාසං තථා සමුපයන්ති නරාමරානං
පාණානි දාරුණතරෙ මරණොදධිමිහි;

15.

රුද්ධොපි සො රථචරස්සගජාධිපෙනි
යොධෙනි වාපි සබ්බෙනි ච සායුධෙනි,
ලොකං විචංචිය සදා මරණසහො සො
කාමං නිහන්ති භුවනත්තය සාලි දණ්ඩං;

16.

හො මාරුතෙන මහතා විහතො පදීපො
බ්ඡපං විනාස මුඛමෙති මහජපහොපි,
ලොකෙ තථා මරණචණ්ඩ සමීරණෙන
බ්ඡපං විනස්සති නරායුමහා පදීපො;

17

රාමජ්ජනජපභූති භූපති පුංගවා ච
සූරා පුරෙ රණමුඛෙ විජිතාරි සඬ්ඝා,
තෙසිහ චණ්ඩ මරණොස නිමුග්ගදෙහා
නාසං ගතා ජගති කෙ මරණා පමුත්තා?

18.

ලක්ඛී ච සාගරපටා සධරාධරා ච
සම්පත්තියො ච විවිධා අපි රූපසොහා,
සබ්බා ච තා අපි ච මිත්තසුතා ච දාරා
කෙ වාපි කං අනුගතා මරණං චජන්තං?

19.

බ්‍රහ්මාසූරාසූරගණා ච මහානුභාවා
ගන්ධබ්බකිත්තරමහොරගරක්ඛසා ච,
තෙ වා පරෙ ච මරණග්ගිසිඛාය සබ්බෙ

අන්තෙ පතන්ති සලහා ඉව ඛිණුපුඤ්ඤා;

20.

යෙ සාරිපුත්තපමුඛා මුනිසාවකා ච
සුද්ධා සදාසවනුදා පරමිද්ධිපත්තා,
තෙ වාපි මච්චුවලහා මුඛ සන්තිමුග්ගා
දීපානිවානලහතා ඛයතං උපෙතා;

21.

බුද්ධාපි බුද්ධකමලාමලවාරුනෙත්තා
බත්තිංසලක්ඛණ වීරාජිත රූපසොභා,
සබ්බාසවක්ඛයකරාපි ච ලොකනාථා
සම්මද්දිතා මරණමත්තමහාගජෙන;

22.

රොගාතුරෙසු කරුණා න ජරාතුරෙසු
බිඬ්ඬාපරෙසු සුකුමාරකුමාරකෙසු,
ලොකං සදා හනති මච්චු මහාගජින්දො
දවානලො වනම්වාචරතං අසෙසං;

23.

ආපුණ්ණතා න සලිලෙ න ජලාසයස්ස
කට්ඨස්ස වාපි බහුතා න හුතාසනස්ස,
භුත්වාන සො තිභුවනමිපි තථා අසෙසං
හො නිද්දයො න බලු පිතිමුපෙති මච්චු;

24.

හො මොහ මොහිතතයා විචසො අධඤ්ඤො
ලොකො පතත්තපිපි මච්චුමුඛෙ සුභිමෙ,
හොගෙ රතිං සමුපයාති නිහිනපඤ්ඤො
දොලා තරඬිගවපලෙ සුපිනොපමෙයො;

25.

එකොපි මච්චුරහිහන්තුමලං තිලොකං
කිං නිද්දයා අපි ජරාමරණානුයායී,
කො වා කරෙය්‍ය විහසුවෙසු ච ජීවිතාසං
ජාතො නරො සුපින සංගම සන්තිහෙසු;

26.

නිව්වාතුරං ජගදිදං සහයං සසොකං
දිස්වා ව කොධමදමොහජරාහිභූතං,
උබ්බෙගමත්තමපි යස්ස න විජ්ජති වෙ
සො දාරුණොන මරණං වත තං ධිරත්ථු!
හො හො න පස්සථ ජරාසිධරඤ්ඤි මච්චු
මාහඤ්ඤමානමබ්බිලං සතතං තිලොකං,
කිං නිද්දයා නයථ චිතභයා තියාමං
ධම්මං සදා'සවනුදං වරථ'ප්පමත්තා;

28.

භාවෙථ හො මරණමාරවිවජ්ජනාය
ලොකෙ සදා මරණ සඤ්ඤමිමං යතත්තා,
ඵවඤ්ඤි භාවනරතස්ස නරස්ස තස්ස
තණ්හා පභියති සරිරගතා අසෙසා;

29.

රූපං ජරා පියතරං මලිනීකරොති
සබ්බං බලං හරති අත්තති සොරරොගො,
නානුපභොග පරිරක්ඛිත මත්තභාවං
හො මච්චු සංහරති කිං ඵලමත්තභාවෙ?

30.

කම්මානිලාපහතරොගතරංගභංගෙ
සංසාර සාගර මුඛෙ විතතෙ විපන්නා,
මා මාපමාදමකරිත්ථ කරොථ මොක්ඛං
දුක්ඛොදයො නනු පමාදමයං නරානං;

31.

හොගා ව මිත්තසුතපොරිස ඛන්ධවා ව
නාරී ව ජීවිතසමා අපි ඛෙත්තවත්ථු,
සබ්බානි තානි පරලොකමිතො වජන්තං
නානුබ්බජන්ති කුසලාකුසලංව ලොකෙ;

32.

හො විජ්ජුචංචලතරෙ භවසාගරමිහි
බිත්තා පුරා කතමභාපවනෙන තෙන,
කාමං විහිජ්ජති බණෙන සරිරනාවා
හත්ථෙ කරොථ පරමං ගුණභත්ථසාරං;

33.

නිව්වං විහිජ්ජතිහ ආමක භාජනංව
සංරක්ඛිතොපි බහුධා ඉහ අත්තභාවො,
ධම්මං සමාවරථ සග්ගපතිජ්ජතිට්ඨං
ධම්මො සුචිණ්ණමිහමෙව ඵලං දදාති;

34.

රත්තවා සදා පියතරෙ දිවි දෙවරජ්ජෙ
නම්භා වචන්ති විබුධා අපි බිණුපුඤ්ඤා,
සබ්බං සුඛං දිවි භුවිහ වියොගනිට්ඨං
කො පඤ්ඤවා භවසුඛෙසු රතිං කරෙය්‍ය?

35.

බුද්ධො සසාවකගණො ජගදෙකනාථො
තාරාවලීපරිවුතොපි ච පුණ්ණවන්දො,
ඉන්දොපි දෙවමකුටංකිත පාදකඤ්ජො
කො ඵෙණපිණ්ඩ-න-සමො තිභවෙසු ජාතො?

36.

ලීලාවතංසමපි යොබ්බන රූපසොභං
අත්තුපමං පියජනෙන ච සම්පයොගං,
දිස්වාපි විජ්ජුචපලං කුරුතෙ පමාදං
හො මොහමොහිතජනො භවරාගරත්තො;

37.

පුත්තො පිතා භවති මාතූ පතීහ පුත්තො
නාරී කදාපි ජනනී ච පිතා ච පුත්තො,
ඵවං සදා විපරිවත්තති ජීවලොකො
විත්තෙ සදාතිවපලෙ බලු ජාතිරඬිගෙ;

38.

රත්තවා පුරෙ විවිධචුල්ලලතාකුලෙහි
දෙවාපි නන්දනවනෙ සුරසුන්දරීහි,
තෙ ඵෙ'කදා විතතකණ්ටකසංකටෙසු
හො කොට්ඨිමිබලිවනෙසු ඵුසන්ති දුක්ඛං;

39.

භුත්වා සුධන්තමපි කඤ්චනභාජනෙසු
සග්ගෙ පුරෙ සුරවරා පරමීද්ධිපත්තා,

තෙ වාපි පජ්ජලිතලොහගුලං ගිලන්ති
කාමං කදාචි නරකාලය වාසභූතා;

40.

භුත්වා නරිස්සරවරා ච මහිං අසෙසං
දෙවාධිපා ච දිවි දිබ්බසුඛං සුරම්මං,
වාසං කදාචි බුරසඤ්චිතභූතලෙසු
තෙ වා මහාරථගණානුගතා දිවිහ;

41.

දෙවඬිගතා ලලිතභින්තතරඬිගමාලෙ
රඬිගෙ මහිස්සරජටාමකුටානුයාතෙ,
රත්ත්වා පුරෙ සුරවරා පමදාසභායා
තෙ වාපි සොරතරවෙතරණිං පතන්ති;

42.

ඵුල්ලානි පල්ලවලතාඵලසංකුලානි
රම්මානි නන්දනවනානි මනොරමානි,
දිබ්බච්ඡරාලලිතපුණ්ණදරිමුඛානි
කෙලාසමෙරුසිරානි ච යන්ති නාසං;

43.

දොලා'නිලා'නලතරංගසමා හි හොගා
විජ්ජුජ්ජහාතිවපලානි ච ජීවිතානි,
මායාමරිච්ඡලසොමසමං සරීරං
කො ජීවිතෙ ච විභවෙ ච කරෙය්‍ය රාගං?

44.

කිං දුක්ඛමත්ථි න භවෙසු ච දාරුණෙසු
සත්තොපි තස්ස විවිධස්ස න භාජනො කො,
ජානො යථා මරණරොගජරාහිභූතො
කො සජ්ජනො භවරතිං පිහයෙය්‍ය'බාලො?

45.

කෙ වාපි පජ්ජලිතලොහගුලං ගිලන්ති
සක්කා කථඤ්චිදපි පාණිතලෙන භීමං,
දුක්ඛොදයං අසුචිනිස්සවනං අනන්තං

කො කාමයෙථ බල දෙහමීමං අබාලො?

46.

ලොකෙ න මච්චුසමමත්ථී භයං නරානං
න ව්‍යාධිදුක්ඛසමමත්ථී ච කිංචි දුක්ඛං,
එවං විරූපකරණං න ජරාසමානං
මොහෙන හො රතිමුපෙති තථාපි දෙහෙ;

47.

නිස්සාරතො නලකලීකදලීසමානං
අත්තානමෙව පරිභඤ්ඤති අත්තහෙනු,
සම්පොසිතොපි කුසභාය ඉවාකතඤ්ඤා
කායො න යස්ස අනුගච්ඡති කාලකෙරා;

48.

තං ඵෙණපිණ්ඩසදිසං විසසුලකප්පං
තොයා'නිලා'නලමභීඋරගාධිවාසං,
ජිණ්ණාලයංච පරිදුබ්බලමත්තභාවං
දිස්වා නරො කථමුපෙති රතිං සපඤ්ඤො?

49.

ආයුක්ඛයං සමුපයාති බණෙ බණෙපි
අන්වෙති මච්චු භනනාය ජරාසිපාණි,
කාලං තථා න පරිචත්තති තං අතීතං
දුක්ඛං ඉදං නනු භවෙසු අචිත්තනීයං?

50.

අප්පායුකස්ස මරණං සුලභං භවෙසු
දීඝායුකස්ස ච ජරා ව්‍යසනං ච'නෙකං,
එවං භවෙ උභයතොපි ච දුක්ඛමෙව
ධම්මං සමාවරථ දුක්ඛවිනාසනාය;

51.

දුක්ඛග්ගිනා සුමහතා පරිපිළිනෙසු
ලොකත්තයස්ස වසතො භවචාරකෙසු,
සබ්බත්තතා සුවරිතස්ස පමාදකාලො
හො හො න හොති පරමං කුසලං විණාථ;

52.

අප්පං සුඛං ජලලවං විය හො තිණග්ගෙ
දුක්ඛන්තු සාගරජලං විය සබ්බලොකෙ,
සංකප්පනා තදපි හොති සභාවතො හි
සබ්බං තිලොකමපි කෙවලදුක්ඛමෙව;

53.

කායො න යස්ස අනුගච්ඡති කායහෙතු
බාලො අනෙකවිධමාවරතීහ දුක්ඛං,
කායො සදා කලි මලාකලිලඤ්ඤි ලොකෙ
කායෙ රතො'නවරතං ව්‍යසනං පරෙති

54.

මිළ්භාකරං කලිමලාකරමාමගන්ධං
සුළාසිසල්ලවිසපන්තගරොගභූතං,
දෙහං විපස්සථ ජරාමරණාධිවාසං
තුච්ඡං සදා විගතසාරම්මං චිනිත්ථ්‍යං;

55.

දුක්ඛං අනිච්චමසුභං වත අත්තභාවං
මා සංකිලෙසය න විජ්ජති ජාතු නිච්චො,
අම්මො න විජ්ජති හි අප්පමපීහ සාරං
සාරං සමාවරථ ධම්මමලං පමාදං;

56.

මායාමරිචිකදලීනලඵේණපුඤ්ජ-
ගංගාතරඬිගජලබ්බලසන්තිහෙසු,
බන්ධෙසු පඤ්චසු ඡළායතනෙසු තෙසු
අත්තා න විජ්ජති හි කො න වදෙය්‍ය'බාලො?

57.

වඤ්ඤාසුතො සසවිසාණමයෙ රථෙ තු,
ධාවෙය්‍ය ටෙ චිරතරං සධුරං ගහෙත්වා,
දීපච්චිමාලමිව තං බණ්ඩගභූතං
අත්තාති දුබ්බලතරන්තු වදෙය්‍ය දෙහං;

58.

බාලො යථා සලිලබ්බිලභාජනෙන
ආකණ්ඨතො වත පිබ්බෙය්‍ය මරීචිතොයං,
අත්තානි සාරරහිතං කදලීසමානං
මොහා හණෙය්‍ය බලු දෙහමීමං අනත්තං;

59.

යො'දුම්බරස්ස කුසුමෙන මරීචිතොයං
වාසං යදිච්ඡති ස බ්බෙදමුපෙනි බාලො,
අත්තානාමෙව පරිභඤ්ඤති අත්තහෙනු
අත්තා න විජ්ජති කදාවිදජිහ දෙහෙ;

60.

පොසො යථා හි කදලී සුවිනිබ්බුජන්තො
සාරං තදප්පමිපි නොපලභෙය්‍ය කාමං,
බන්ධෙසු පංචසු ඡළායතනෙසු තෙසු
සුඤ්ඤෙසු කිඤ්චිදපි නොපලභෙය්‍ය සාරං;

61.

සුත්තං විනා න පටභාවමිහත්ථි කිංචි
දෙහං විනා න බලු කොචි මිහත්ථි සත්තො,
දෙහො සභාවරහිතො බණ්ණංගයුත්තො,
කො අත්තහෙනු අපරො භූචි විජ්ජතිහ?

62.

දිස්වා මරීචිසලිලඤ්චි සුදුරතො හො
බාලො මිගො සමුපධාවති තොයසඤ්ඤී,
එවං සභාවරහිතෙ විපරිතසිද්ධෙ
දෙහෙ පරෙති පරිකප්පනායා හි රාගං;

63.

දෙහෙ සභාවරහිතෙ පරිකප්පසිද්ධෙ
අත්තා න විජ්ජති හි විජ්ජුමිවන්තලික්ඛෙ,
භාවෙථ භාවනරතා විගතප්පමාදා
සබ්බාසවප්පහනනාය අනත්තසඤ්ඤං;

64.

ලාලාකරීසරුධිරස්සුවසානුලිත්තං

දෙහං ඉමං කලිමලාකලිලං අසාරං,
සත්තා සදා පරිහරන්ති ජිගුච්ඡනීයං
නානාසුචිහි පරිපුණ්ණසං යථෙව;

65.

ණහාත්වා ජලඤ්භි සකලං චතුසාගරස්ස
මෙරුප්පමාණමපි ගන්ධමනුත්තරඤ්ච,
පප්පොති නෙව මනුජො හි සුචිං කදාපි
කිං හො විපස්සථ ගුණං කිමු අත්තහාවෙ?

66.

දෙහො ස එව විවිධාසුචිසන්තිධානො
දෙහො ස එව වධබන්ධනරොගභූතො,
දෙහො ස එව නවධා පරිහින්තගණ්ඨො
දෙහං විනා භයකරං න සුසානමත්ථි;

67.

අන්තොගතං යදිව මුත්තකරීසහාගො
දෙහා බහිං අතිවරෙය්‍ය විනික්ඛමිත්වා,
මාතා පිතා විකරුණා ච විනට්ඨපෙමා
කාමං භවෙය්‍යු කිමු බන්ධුසුතා ච දාරා?

68.

දෙහං යථා නවමුඛං කිම්බසඬ්ඝගෙහං
මංසට්ඨිසෙදරුධිරාකලිලං විගන්ධං,
පොසෙන්නි යෙ විවිධපාපමිභාවරිත්වා
තෙ මොහිතා මරණධම්මමහො වතෙවං!

69.

ගණ්ඩුපමෙ විවිධරොග නිවාසභූතෙ
කායෙ සදා රුධිරමුත්තකරීසපුණ්ණෙ,
යො එත්ථ නන්දති නරො සසිගාලහක්ඛෙ
කාමඤ්භි සොචති පරත්ථ ස බාලබුද්ධි;

70.

හො ඵෙණපිණ්ඩසදිසො විය සාරභීනො
මිළ්භාලයො විය සදා පටිකුලගන්ධො,

ආසිවිසාලයනිහො සහයො සදුක්ඛො
දෙහො සදා සවති ලොණසටොව හින්තො;

71.

ජාතං යථා න කමලං භූවි නින්දනීයං
පඬිකෙසු හො අසුචිතොය සමාකුලෙසු,
ජාතං තථා පරහිතමිපි ව දෙහභූතං
තං නින්දනීයමිහ ජාතු න හොති ලොකෙ;

72.

ද්වන්තිංසභාගපරිපූරතරො විසෙසො
කායො යථා හි නරනාරි ගණස්ස ලොකෙ,
කායෙසු කිං ඵලමිහත්ථි ව පණ්ඩිතානං
කාමං තදෙව නනු හොති පරොපකාරං;

73.

පොසොන පණ්ඩිතතරෙන තථාපි දෙහො
සබ්බත්තනා චිරතරං පරිපාලනීයො,
ධම්මං චරෙය්‍ය සුචිරං බලු ජීවමානො
ධම්මෙ හවෙ මණ්ඩරො ඉව කාමදො හො

74.

බීරෙ යථා සුපරිභාවිතමොසධම්හි
ස්තෙනෙන ඔසධබලං පරිභාසතෙව,
ධම්මො තථා ඉහ සමාවරිතො හි ලොකෙ
ජායාව යාති පරලොක මිතො වජන්තං;

75.

කායස්ස හො චිරචිතස්ස යථානුකූලං
ජායා විහාති රුචිරාමලදප්පණෙ තු,
කත්වා තථෙව පරමං කුසලං පරත්ථ
සම්භූසිතා ඉව හවන්ති ඵලෙන තෙන;

76.

දෙහෙ තථා විවිධදුක්ඛ නිවාසභූතෙ
මොහා පමාදවසගා සුඛසඤ්ඤමුල්භා,
තික්ඛෙ යථා ධුරමුඛෙ මධුලෙහමානො

බාළුහඤ්ච දුක්ඛමනුගච්ඡති භීතපඤ්ඤො;

77.

සංකප්පරාගචිගතෙ නිරතත්තභාවෙ
දුක්ඛං සදා සමධිගච්ඡති අප්පපඤ්ඤො,
මුළුහස්ස වෙච සුඛසඤ්ඤමිහත්ථිලොකෙ
කිංපක්කමෙව නනු හොති විචාරමානො;

78.

සබ්බොපහොග ධනධඤ්ඤවිසෙසලාභී
රූපෙන හො ස මකරද්ධජසන්නිහොපි,
යො යොබ්බතෙපි මරණං ලහතෙ අකාමං
කාමං පරත්ථපරපාණහරො නරො හි;

79.

සො යාවකො භවති භින්තකපාලහත්ථො
මුණ්ඩො ධිගක්ඛරසතෙහි ච තප්පයන්තො,
හික්ඛං සදාරිභවතො සකුචෙලවාසො
දෙහෙ පරත්ථි පරචිත්තහරො නරො යො;

80.

ඉත්ථි නමුඤ්චති සදා පුත ඉත්ථිභාවා
නාරි සදා භවති සො පුරිසො පරත්ථ,
යො ආචරෙය්‍ය පරදාරමලඬ්ඝනීයං
ඝොරඤ්ච වින්දති සදා ව්‍යසනඤ්ච නෙකං;

81.

දීනො විගන්ධවදනො ච ජළො අපඤ්ඤො
මුගො සදා භවති අප්පියදස්සනො ච,
පප්පොති දුක්ඛමතුලඤ්ච මනුස්සභූතො
වාචං මුසා හණති යො හි අපඤ්ඤසත්තො;

82.

උම්මත්තකා විගතලප්පගුණා භවන්ති
දීනා සදා ව්‍යසනසොකපරායණා ච,
ජාතා හවෙසු විවිධෙසු විරූපදෙහා
පීත්වා හලාහලවිසංච සුරං විපඤ්ඤො;

83.

පාපානි යෙන ඉහ ආවරිතානි යානි
යො වස්සකොට්ඨනුතානි අනප්පකානි,
ලද්ධාන සොරමතුලං නරකෙසු දුක්ඛං
පප්පොති චෙත්ථ විවිධවාසනඤ්ච නෙකං;

84.

ලොකත්තයෙසු සකලෙසු සමං න කිංචි
ලොකස්ස සන්තිකරණං රතනත්තයෙන,
තංතෙජසා සුමහතා ජිතසබ්බපාපො
සොහං සදාධිගතසබ්බසුඛො භවෙය්‍යං;

85.

ලොකත්තයෙසු සකලෙසු ච සබ්බසත්තා
මිත්තා ච මජ්ඣරිපුබ්බන්ධුජනා ච සබ්බෙ,
තෙ සබ්බදා විගතරොගහයා විසොකා
සබ්බං සුඛං අධිගතා මුදිතා භවන්තු;

86.

කායො කරිසහරිතො විය භින්නකුම්භො
කායො සදා කලිමලවාසනාධිවාසො,
කායෙ විහඤ්ඤති ච සබ්බසුබ්බන්ති ලොකො
කායො සදා මරණරොගජරාධිවාසො;

87.

සො යොබ්බනොති ථවිරොති ච බාලකොති
සත්තෙ න පෙක්ඛති විහඤ්ඤතිරෙව මච්චු,
සොහං ඨිතොපි සයිතොපි ච පක්කමන්තො
ගච්ඡාමි මච්චුවදනං නියතං තථා හි;

88.

ඵචං යථා විහිතදොසමිදං සරීරං
නිච්චංච තග්ගතමනා හදයෙ කරොථ,
මෙත්තං පරිත්තමසුභං මරණස්සතිඤ්ච
භාවෙථ භාවනරතා සතතං යතත්තා;

89.

දානාදි පුඤ්ඤකිරියානි සුබුද්ධයානි
කත්වා ච තම්ඵලමසෙස මිහජ්ජමෙය්‍යං,
දෙය්‍යං සදා පරහිතාය සුඛාය වෙව
කම්මො තදෙව නනු හත්ථගතඤ්ඤි සාරං?

90.

හෙතුං විනා න භවතී හි ච කිංචි ලොකෙ
සද්දොව පාණිතලසට්ඨනහෙතුජානො,
ඵවඤ්ච හෙතුඵල භාවවිභාගහින්නො
ලොකො උදෙනි ච විනස්සති තිට්ඨතී ව;

91.

කම්මස්ස කාරණාමයඤ්ඤි යථා අවිජ්ජා
හො කම්මනා සමධිගච්ඡති ජාතිහෙදං,
ජාතිං පටිච්ච ච ජරාමරණාදිදුක්ඛං
සත්තා සදා පටිලහන්ති අනාදිකාලෙ;

92.

කම්මං යථා න භවතීහ ච මොහනාසා
කම්මක්ඛයාපි ච න භොති භවෙසු ජාති,
ජාතික්ඛයා ඉහ ජරාමරණාදිදුක්ඛං
සබ්බක්ඛයො භවති දීපෙවානිලෙන;

93.

යො පස්සතීහ සත්තං මුනිධම්මකායං
බුද්ධං ස පස්සති නරො ඉති සො අවොච,
බුද්ධඤ්ච ධම්මමමලඤ්ච තිලොකනාථං
සම්පස්සිතුං විචිනථා'පි ච ධම්මතං හො;

94.

සල්ලංව හො සුනිසිතං හදයෙ නිමුග්ගං
දොසත්තයං විවිධපාපමලෙන ලිත්තං,
නානාවිධබ්‍යසනභාජනමජ්ජසන්නං
පඤ්ඤාමයෙන බලිසෙන නිරාකරොථ;

95.

නාකම්පයන්ති සකලාපි ච ලොකධම්මා

විත්තං සදාපගතපාපකිලෙසසල්ලං,
රූපාදයො ච විවිධා විසයා සමග්ගා
ඵ්ථිඨංච මෙරුසිබරං මහතානිලෙන;

96.

සංසාරදුක්ඛමගණයා යථා මුනින්දො
ගම්භිරපාරමිත සාගරමුත්තරිත්වා,
ඤ්ඤාං අබොධි නිපුණං හතමොහජාලො
තස්මා සදා පරහිතං පරමං විණාථ;

97.

ඕහාය සො'ධිගතමොක්ඛසුඛං පරෙසං
අත්ථාය සංචරි භවෙසු මහඛිභයෙසු,
එවං සදා පරහිතං පුරතො කරිත්වා
ධම්මො මයානුවරිතො ජගදත්ථමෙව;

98.


ලද්ධාන දුල්ලහතරඤ්ච මනුස්සයොනිං
සබ්බං පපඤ්චරහිතං ඛණසම්පදඤ්ච,
ඤ්ඤත්වාන ආසවනුදෙකහිතඤ්ච ධම්මං
කො පඤ්ඤවා අනවරං න භජෙය්‍ය ධම්මං?

99.

ලද්ධාන බුද්ධසමයං අතිදුල්ලහංච
සද්ධම්ම මග්ගමසමං සිවදං තථෙව,
කල්‍යාණමිත්තපවරෙ මතිසම්පදඤ්ච
කො බුද්ධිමා අනවරං න භජෙය්‍ය ධම්මං?

100.

එවම්පි දුල්ලහතරං විභවෙ සුලද්ධා
මච්ඡෙරදොස විරතා උභයත්ථකාමා,
සද්ධාදිධම්මසහිතා සත්තජ්ජමත්තා
හො! හො! කරොථ අමතාධිගමාය පුඤ්ඤං;



සබ්බදාතං ධම්ම දාතං ජිනාති,
සබ්බරසං ධම්ම රසං ජිනාති;
සබ්බරතීං ධම්ම රතීං ජිනාති
තණ්හාක්ඛයො සබ්බදුක්ඛං ජිනාති

(ධම්මපදය තණ්හා වග්ගො)

ධම්මාරාමො ධම්මරතො - ධම්මං ධුත්ථිච්ඡන්දයං;
ධම්මං ධුත්ථස්සරං නික්ඛු - සද්ධම්මා හ පරිනායති.

(ධම්මපදය නික්ඛු වග්ගො)

ධම්මො පතොසො සුගතාප්පසන්ථො,
තරණීච සංසාර මහණ්ණවස්ස;
බ්‍රහ්මාසුරාදීනි අමස්සනීයෙතා,
රසො රසානං පරමො තිලොක්ක.

මහාගඳො මච්චුපරා පහානො,
සබ්බිනිනාසාය විසෙසමන්තො;
සබ්බන්ති දානෙත ච කප්පරුක්ඛො,
චිත්තාමනී හද්දසටොච ධම්මො.

ධම්මං විනා තන්ති ජිනාච මානා,
තමෙව තාණං සරණං පනිට්ඨා;
තස්මා හි තො කිච්චමඤ්ඤප්පනාය,
සුණාච ධාරෙච වරාච ධම්මෙ.

(භස්වාහිනී)

චිරං නිට්ඨතු ලොකස්මිං - සම්මා සම්බුද්ධ සාසානං!

ධර්ම උත්තම පිණිසයි.....